

“Bohle Ba Tle Ba Be Bang”



SABATHA MANTSIBOEA

Bakeng sa Boithuto ba Beke Ena Bala:

Johanne 17:1–26,1 Johanne 5:19, Johanne 13:18–30, Johanne 5:20–23, Mareka 9:38–41, Tšen. 18:4,1 Johanne 2:3–6.

Teman’a Khopolo:

“Ha ke rapelle bona feela, empa ke rapella le ba tlang ho lumela ho ’na ka polelo ea bona, bohle ba tle ba be bang, joaloka ha uena, Ntate, u le ho ’na, le ’na ke le ho uena; le bona ba be bang ho rona, hore lefatše le tle le lumele hoba u nthomile” (Johanne 17:20, 21).

Evangeli ea Johanne e re fa leseli la se neng se tšoenya Jesu ha keko ea Hae le lefu li ntse li atamela. Ka likhaolo tse hlano tsa bohlokoa (Johanne 13–17) re fumana mantsoe a ho qetela a taelo a Jesu, a qetella ka hoo ka nako e ’ngoe ho tloaelehileng ka hore ke “thapelo ea Hae ea boprista bo phahameng” (Johanne 17). “Ke maemo a lokelang, hobane Morena oa rona thapelong ena oa ikhalaletsa bakeng sa sehlabelo seo ho sona e leng moprista le phofu ka nako e le ’ngoe. Ka nako e le ’ngoe e boetse ke thapelo e halaletsang bao sehlabelo se etsetsoang bona—barutuo ba neng ba le teng phaposing e kaholimo le ba tla qetella ba kene tumelong ka lebaka la bopaki ba bona.”—F. F. Bruce, *The Gospel of Johanne* (Grand Rapids: Eerdmans, 1983), leq. 328. Khubung ea thapelo ena ke khathatseho ea Jesu ka bonngoe har’a barutuo ba Hae le ba tlang ho lumela ho Eena hamorao. Ona e ne e le oona ’mokotaba thapelong ena ea Hae: “Kea ba rapella, ha ke rapelle lefatše, ke rapella bao u ’neileng bona, hobane ke ba hao. ’Me tsohle tsa ka ke tsa hao, ’me tsa hao ke tsa ka; ’me ke tlotlisoa ka bona” (Johanne 17:9, 10). Ha ho na puisano e utloahalang ka bonngoe ba kereke, ka bonngoe ba rona ho Krete, e ka fellang ho sa talingoa ka hloko thapelo ena. Jesu o ne a rapella eng, o ne a rapella mang, ’me thapelo ea Hae e bolela eng bakeng sa rona kajeno?

**Ihute thuto ea beke ena ho lokisetsa Sabatha sa la 20 Mphalane.*

Jesu oa Ithapella

Thapelo ena ea borpista bo phahameng e ka aroloa likoto tse tharo. Sa pele, Jesu oa ithapella (Johanne 17:1–5), e be o rapella barutuo ba Hae (Johanne 17:6–19), o qetella ka bao hamorao ba tlang ho lumela ho Eena (Johanne 17:20–26).

Bala Johanne 17:1–5. Moelelo oa thapelo ea Hae ke ofe, 'me e bolela eng bakeng sa rona?

Jesu o qala ka ho ipuelella. Liketsahalong tse bileng pele ho moo Evangeling ea Johanne, Jesu o ne a ile a bontša hore nako ea Hae ha e so fihle (Johanne 2:4, 7:30, 8:20). Empa joale oa tseba hore nako ea sehlabelo sa Hae e se e fihlile. Motsotso oa qetello ea bophelo ba hae e bohloko o fihlile, 'me o hloka matla a ho qetela thomo ea Hae. Ke nako ea thapelo.

Jesu o tla tlotlisa Ntat'ae ka ho etsa thato ea Hae, le haeba e bolela ho jara Sefapano. Ho amohela Sefapano ha Hae ha se mokhoa oa ho amohela tlhoho; empa, ke tsela eo a sebelisang matla ao Ntate a mo neileng oona. H'a ka shoa lefu la moshoele-tumelo empa o ile a khetha ho tlotlisa Ntate oa Hae ka boikemisetso ka ho phethahatsa lebaka leo ka lona a ileng a tsoaloe: lefu la Hae la sehlabelo sefapanong bakeng sa libe tsa lefatše.

Bophelo bo sa feleng ke eng ho latela Johanne 17:3? Ho bolelang ho tseba Molimo?

Taba ea pele-pele, Jesu o re bolella hore bophelo bo sa feleng bo itšetlehile tabeng ea ho tseba Molimo ka bo-rona. Hona ha se pholoho ka mesebetsi kapa ka tsebo, empa ke boiphihlelo ba ho tseba Morena ka lebaka la seo Jesu a re etselitseng sona Sefapanong. Tsebo ena e fetisoa ka kamano ea motho le Ntate. Tšekameloe ea rona ea botho ke ho behela tsebo moeli oa linnete le litaba ka bophara, empa mona Jesu o shebile ntho e 'ngoe tsebileng hape e khotsofatsang ka ho fetisa: kamano ea motho le Molimo. Ho tla ha pele ha Jesu sepheo sa hona e ne ele ho tataisa botho ho tsoimana le tsebo e utloahalang e pholosang ea Molimo le bonngoe ba batho bo tla tlisoa ke tsebo ena.

Phapano ke efe pakeng tsa ho tseba ka Molimo le ho mo tseba ka sebele sa hau? U bile le maiphihlelo a feng a u thusitseng ho tseba Molimo?

Jesu o Rapella Barutua ba Hae

Bala Johanne 17:9–19. Ke sefe seo Jesu a se rapellang ka ho khetholoha mabapi le barutua ba Hae?

Jesu o latela ka ho rapella barutua ba Hae, ba kotsing e tšabehang ea ho lahlehela ke tumelo ea bona ho Eena matsatsing a tlang, ha Eena, Jesu, a se a se na le bona ka nama. Ka mokhoa o joalo, o ba beha tlhokomelong ea Ntate. Thapelo ea Jesu ke hore a tle a ba sireletse lefatšeng. Ha ho le joalo, Jesu ha a rapelle lefatše, hobane oa tseba hore le khahlanong le thato ea Ntate ka bo-lona (1 Johanne 5:19). Empa ka hoba lefatše ke sona sebaka seo barutua ba tla etsa bosebeletsi ba bona ho sona, Jesu o rapella hore ba tle ba bolokoe bokhopong bo teng lefatšeng. Jesu o tšoenyehile ka lefatše; e le 'nete, ke Mopholosi oa lona. Empa khaso ea Evangeli e hoketsoe ho bopaki ba ba tla ea ho ea ruta litaba tse molemo. Ke kahona Jesu a lokelang ho ba buelella hore ea khopo a tle a se ke a ba hlola (Matt. 6:13).

Morutua e mong, leha ho le joalo, o se a hlotsoe. Pejana mantsiboeeng ao Jesu o ne a ile a hlalisa hore e mong oa bona o se a entse qeto ea ho mo eka (Johanne 13:18–30). Leha Jesu a supa 'nete eo ea taba ea hore Lengolo le ne le porofetile keko ea Judase (Ps. 41:9), Judase e ne e se phofu ea pheletso e beiloeng. Nakong ea Selallo sa Ho qetela, Jesu o ile a ipiletsa ho eena ka katamelo ea lerato le setsoalle (Johanne 13:26–30). “Selallong sa Paseka Jesu o ile a bontša bo-Molimo ba Hae ka ho senola merero ea lehlaba-phieo. Ka bonolo o ile a kenyelletsa Judase bosebeletsing ba Hae ho barutua. Empa boipiletso ba ho qetela ba lerato ha boa ka ba mameloa.”—Ellen G. White, *The Desire of Ages*, leq. 720. Ka ho tseba hore mohono le mōna li ka arola barutua, joaloka ha li kile tsa etsa nakong e 'ngoe pejana, Jesu o rapella bonngoe ba bona. “ ‘Ntate ea halalelang, boloka ka lebitso la hao bao u 'neileng bona, ba tle ba be bang, joaloka rona’ ” (Johanne 17:11). Bonngoe bo joalo bo holimo hore bo ka fihleloa ke motho. E ka ba feela tholoana le neo ea mohau oa Molimo. Bonngoe ba bona bo theuoe holim'a bonngoe ba Ntate le Mora, 'me bonngoe bona ke ntlha ea mantlha e hlokehang hore e be teng pele bakeng sa bosebeletsi bo atlehileng kamoso. Ho halaletsoa ha bona ka 'nete le hona ho ke ke ha sebeletsoa ntle ho hona. Mosebetsi oa mohau oa Molimo lipelong tsa barutua o tla ba fetola. Empa haeba ba lokela ho pakela 'nete ea Molimo, ba lokela ho fetoloa ke 'nete eo ka bo bona.

Ho bolela'ng ho “se be ba lefatše”? Ke eng ka rona, ka maphelo a rona, le kamoo re phelang kateng se re etsang hore e be “ha re ba lefatše”?

“Ba Tlang Ho Lumela Ho 'Na”

Kamor'a hore Jesu a rapelle barutuo ba Hae, o ile a atolosa thapelo ea Hae ho kenyelletsa “ba tlang ho lumela ho 'na ka polelo ea bona'” (Johanne 17:20).

Bala Johanne 17:20–26. Takatso ea Jesu bakeng sa ba tlang ho lumela molaetsa oa evangeli hamorao e ne e le efe? Hobaneng ho le bohlokoa haholo hore thapelo ee e phethahatsoe?

Joaloka ha Ntate le Mora ba le bang, Jesu o ile a rapella hore le balumeli ba kamoso ba be bang. Jesu o buile ka bonngoe ba Ntate le Mora libakeng tse fokolang ka palo Evangelizing ea Johanne. Ha ba ka ke ba etsa lintho e mong kante ho e mong, empa ba 'moho nthong e 'ngoe le e 'ngoe eo ba e etsang (Johanne 5:20–23). Ba arolelana lerato le tsoanang bakeng sa batho ba oeleng ho fihlela boemong boo Ntate a neng a ikemiselitse ho fana ka Mora oa Hae bakeng sa lefatše, e, Mora o ne a ikemiselitse ho neelana ka bophelo ba Hae bakeng sa lona (Johanne 3:16, 10:15). Bonngoe boo Jesu a buang ka bona thapelong ena ke bonngoe ba lerato le sepheo joaloka ha li bonahala lipakeng tsa Ntate le Mora. “ ‘Seo bohle ba tla tseba hobane le barutuo ba ka ka sona, ke ha le ratana.’ ” (Johanne 13:35). Ho bontšahatsa bonngoe bona ka lerato ho tla fana ka tiiso sechabeng , bobeli ka kamano ea bona le Jesu le Ntate hape. “Ponahatso ea bonngoe ba bona ba 'nete bo lokela ho fana kabopaki bo matla ba bonnete ba evangeli.” — Andreas J. Köstenberger, Johanne, Baker Exegetical Commentary on the New Testament (Grand Rapids: Baker Academic, 2004), leq. 498. Ke ka tsela ena lefatše le tla tseba hobane Jesu ke Mopholosi. Ka mantsoe a mang, bonngoe bona boo Jesu a buang ka bona ha se ntho e ke keng ea bonoa. Lefatše le ka kholiseha joang ka bonnete ba evangeli haeba le ke ke la bona lerato le bonngoe har'a batho ba Molimo? “Molimo o etelletse pele batho hore ba eme ka bonngoe bo phethehileng holim'a sethala sa 'nete ea ka ho sa feleng. . . . Molimo o rata ha batho ba Hae bohle ba ka fihlela bonngoe ba tumelo. Thapelo ea Krete pejana feela ho ho thakhisoa ha Hae e ne e le hore barutuo ba Hae ba be bang, joaloka ha le Eena le Ntate ba le bang, e le hore lefatše le tle le lumela hobane Ntate o mo romile. Thapelo ena e amang maikutlo haholo, e hlolang, e theosa le mengoaha ho ea fihla tlase, le ho fihla matsatsing a rona; hobane mantsoe a Hae e bile hore: ‘Ha ke rapelle bona feela, empa ke rapella le ba tla lumela ho 'na ka polelo ea bona.’ “Ba ipolelang e le balateli ba Krete ba lokela ho sebetsa ka thata ho bona hore thapelo ena e ea arabeloa maphelong a bona.” — Ellen G. White, *Testimonies for the Church*, pok. 4, leq. 17.

Re etsa eng maphelong a rona le likerekeng tsa rona ho thusa ho fihlela mofuta oa bonngoe oo ho buuoang ka oona moo? Ke hobaneng ha ho shoa nameng ho fihlela boemong bo itseng ho le bohlokoa bakeng sa e mong le e mong oa rona haeba re batla kereke ea rona e kopane joaloka ha e lokela?

Bonngoe Har'a Bakreste

Bala Mareka 9:38–41 le Johanne 10:16. Karabo ea Jesu ho moapostola Johanne e re ruta eng ka khethollo le ho phakisa ho ahlola ka hore na ke mang eo e leng molateli oa 'nete oa Jesu?

Baleti ba Letsatsi la Bosupa ba sekametse ho utloisiseng thapelo ea Jesu ho Johanne 17 e amana ka kotloloho le bonngoe ba kereke ea bona. Re lokela ho kopana re le kereke ho phethahatsa thomo ea rona ea ho arolelana ka molaetsa oa manyeloi a mararo lefatšeng. Tabeng ena, khanyetsano ea fokola. Empa kopano le Bakreste ba bang eona? Re lokela ho amana le bona joang re talimme seo Jesu a se rapeletseng. Ha ho potang, rea lumela hore Molimo o na le batho ba tšepahalang kahar'a liphutheho tse ling kante ho ea rona. Ebile, Bibe le hlakisa hore Molimo o na le ba Hae ba tšepahalang, le hona Babilona: “Tlohang ho eena, lona sechaba sa ka, le se tšohe le kenella libe tsa hae, ‘me le oeloa ke likotsi tsa hae’ ” (Tšen. 18:4). Ka nako e tsoanang, rea tseba hore ho latela buka ea Tšenolo, ho na le bokoenehi bo bohola har'a ba ipitsang ka lebitso la Kreste, le hore matsatsing a ho qetela Bakreste ba bangata ba bohata ba tla kopana hammoho 'me ba ikopanye le 'muso e le hore ba tle ba flise lithoriso tse bontšitsoeng ho Tšenolo 13:1–17. Kahona, Baleti haesale ba le hlokolosi ka ho ameha limemong tsa bonngoe le likereke tse ling, joaloka ha li bonahala mokhatlong oa kopano ea likereke [ecumenism]. Ha ho le joalo, re amana joang le liphutheho tse ling? Ellen G. White o ngotse taba e latelang mabapi le ho sebetsa ha Kereke ea Baleti ba Letsatsi la Bosupa hammoho le Bakreste ba bang, bonyane tabeng ena ka ho khetholloha: “Ha moromuoa eo e leng motho a nehela thato ea hae ho thato ea Molimo, Moea o Halalelang o tla ama lipelo tsa bao a ba sebeletsang. Ke bontšitsoe hore ha rea lokela ho nena basebeletsi ba W.C.T.U. ka ho ikopanya le bona molemong oa boitimo ha re fetole boemo ba rona mabapi le poloko ea letsatsi la bosupa, 'me re ka bontša kananelo ea rona ea boemo ba bona mabapi le taba ea boitšoaro. Ka ho bula monyako re ba memela ho ikopanya le rona tabeng ea boitšoaro re ipokella thuso ea bona lintlheng tsa boitšoaro; 'me bona, ka ho ikopanya le rona, ba tla utloa linnete tse ncha tseo Moea o Halalelang o emetseng ho ba ama lipelo ka tsona.” — *Welfare Ministry*, leq. 163.

Leha a ne a sebetsana le taba e khethollohileng ka nako e khethollohileng, teng o fana ka litšiea tseo re ka li latelang mabapi le kamoo re ka amanang le Bakreste ba bang kateng, haholo tabeng ea ho kopanela mosebetsi. Re ka sebetsa 'moho le bona linthong tsa boitšoaro tseo re tsoanang ka tsona. Taba ea bobeli, haeba re kopana le bona, re lokela ho etsa joalo ka tsela e sa tlo senya tumelo ea rona le litloaelo. Taba ea boraro, re ka etsa 'me re lokela ho sebelisa “bonngoe” bona ho arolelana le ba bang linnete tsa bohlokoa tseo re hlohonolofalitseng ka tsona.

Tumelo e le 'Ngoe e Aroloa ka Lerato

Ho Johanne 17:3, Jesu o re bophelo bo sa feleng ke ho tseba Molimo. Bala Johanne 2:3–6. Ho bolela eng ho tseba Molimo? Re ka bontša tsebo ea rona ea Molimo joang maphelong a rona kamehla?

Ka kakaretso, leha batho sechabeng kajeno ba rata ho ipitsa baahi ba bolokang molao, bona batho bao, ba atisa ho khella tlase tlameho ea ho boloka melao ea Molimo. Ba bang ba bile ba re mohau oa Molimo o hlakola melao ea Molimo. Empa eo ha se thuto ea Bibe: “Ho boloka melao ha se boemo ba ho tseba Molimo empa ke letšoao la hore re tseba Molimo/ Jesu 'me rea mo rata. Kahona, tsebo ea Molimo ha se tsebo e fellang lipolelong feela empa e lebisa liketsong.”—Ekkehardt Mueller, *The Letters of Johanne* (Nampa, Idaho: Pacific Press, 2009), leq. 39. Jesu ka sebele sa Hae o ile a kolobetsoa: “‘Ekare ha le nthata, bolokang melao ea ka.’” “‘Ea nang le melao ea ka, 'me a e boloka, ke eena ea nthatang’” (Johanne 14:15, 21). “Moo re tsebang hobane re rata bana ba Molimo, ke ha re rata Molimo, 'me re boloka litaelo tsa oona. Hobane ho rata Molimo ke ha re boloka litaelo tsa oona, 'me litaelo tsa oona ha li boima” (1 Johanne 5:2, 3).

Bala Johanne 13:34, 35. Jesu o ile a fa barutuoa ba Hae molao o fe o mocha, taba ee e amana joang le ea bonngoe har'a balateli ba Jesu?

Taelo ea ho rata oa heno ha e ncha ka bo-eona; e ka fumanoa litaelong tseo Molimo a li fileng Moshe (Levit. 19:18). Ho leng ho cha ke taelo ea Jesu ea hore barutuoa ba Hae ba ratane joal ka ha a ba ratile. Mohlala oa Jesu oa lerato le iketsang sehlabelo ke boitšoaro bo bocha bakeng sa sechaba sa Bakreste. Ke mohlala o motle ha ka kang oo re o fuoeng! Bophelo ba Jesu e ne e le mohlala o tšoarehang oa lerato le bonahalang liketsong. Mosebetsi oohle oa mohau ke tšebeliso e tsoelang pele ea lerato, ea boikhano, boitlhabo. Re ka nahana hore bophelo ba Kreste e ne e le pontšo e sa emiseng ea lerato le botlhabo molemong oaba bang. Tšiea e neng e susumetsa Kreste e lokela ho susumetsa batho ba Hae ka nako tsohle ha ba sebelisana 'moho. Lerato le joalo e ka ba bopaki bo matla ha ka kang ho lefatše. 'Me lerato leo le ka fana ka tšusumetso e matla ha ka kang bakeng sa bonngoe ho rona!

Re ka ithuta joang ho bontša lerato leo le iketsang sehlabelo bakeng sa ba bang joaloka ha Jesu a bontšitse?

Ho Ithuta Haholoanyane:

Ellen G. White, “God’s Law Immutable,” maq. 443–446, ho *The Great Controversy*. Bala lingoloa tsena “Denominations, Relations to Other,” maq. 763, 764, le “Roman Catholic Church,” leq. 1110, ho *The Ellen G. White Encyclopedia*. “Leha Kereke ea Baleti ba Letsatsi la Bosupa e le kereke e teng lefatšeng ka bophara e nang le likereke tse ngata tsa lehae, Baleti ha ba ipitse kereke ea Krete ea ka lefatše lohle. Kereke ea ka lefatše lohle e pharalletse ho feta meeli ea liphutheho. E ka bonahala kapa ea se bonahale ha feela e na le ba lumelang ho Jesu ba bile ba mo latela. Taba ena ea thuto-molimo e phahama ho feta ha re ka talima bokoenehi bo teng har’a Bakreste, boo ho buuang ka bona phatlanochocho bukeng ea Tšenolo. Kereke e hloekileng ea Tšenolo 12 e bapisoa le ‘seotsoa’ sa Tšenolo 17, Babilona e moholo, eo hape e bapisoang le monyaluo oa Konyana, motse o halalelang kapa Jerusalema e Mocha oa Tšenolo 21 le 22. Mongoaha-kholong oa pele, kereke e ka lefatše lohle e ne e ka ’na ea bonahala, ho thata haholo hape hoa ferekanya hore e ka bonahala Mengoaheng e Mahareng. “Kahona, Baleti ha ba fellise taba ea kereke ea ‘nete ea Molimo ho phutheho ea bona feela, kapa hona ho e fetisetsa liphethong tse ling tsa Bakreste. Kereke ea ‘nete ea Molimo e theuo e ka batho ka bo mong ba lumelang ho Eena. Molimo oa ba tseba. Baleti ka ‘ng’ a e ‘ngoe, ba ipitsa hore ke masala a khetheliheng a Molimo a mehla ea bofelo a Tšenolo 12:17 le khaolo ea 12–14. Masala ana a na le semelo sa lehae le se akaretsang lefatše lohle (Tšen. 2:24 le 12:17).” — Ekkehardt Mueller, “The Universality of the Church in the New Testament,” in Ángel Manuel Rodríguez, ed., *and Message, Mission, and Unity of the Church* (Silver Spring, Md.: Biblical Research Institute, General Conference of Seventh-day Adventists, 2013), leq. 37.

Lipotso tsa Puisano:

1. Hobaneng ha phethahatso ea thapelo ea Jesu ho Johanne 17 e le bohlokoa haholo bakeng sa kereke ea rona? Takatso ea Jesu ea bonngoe bakeng sa kereke ea mongoaha-kholo oa pele e bontša’ng ka takatso ea Hae bakeng sa kereke ea rona kajeno?
2. Na kereke ea heno ea lehae e kile ea sebetsa le likereke tse ling litabeng tse ling tse itseng? Ho ile ha sebetsaha hantle ha kae? Re ka sebetsa joang le bona, ha ho lokela, re sa rekise ka linnete tseo re li filoeng?
3. Polelo ee e supang e ho *The Great Controversy*? Re ka etsa joang hore taba ee e phele har’a rona? “Ha e ne e ba batho ba Molimo ba ka amohela leseli joaloka ha le ba chabela ho tsoa Lentsoeng la Hae, ba ne ba tla fihlela bonngoe bola boo Krete a ileng a bo rapella, boo moapostola a bo hlalolang, ‘bonngoe ba moea ka tlamo ea khotso.’ ‘Kamehla ho na le,’ o rialo, ‘mele o mong, le Moea o mong, joaloka ha le bilelitsoe tebello e le ’ngoe kaho bitsoa ha lona. Morena o mong, tumelo e ’ngoe, le kolobetso e ’ngoe.’ Baefese 4:3–5.” — Ellen G. White, *The Great Controversy*, leq. 379.